



## ԱՐՁԱՆԱԳՐՈՒԹՅՈՒՆ N 1

### ՀՀ կրթության տեսչական մարմնի (ԿՏՄ) կառավարման խորհրդի նիստի

ք.Երևան

29 հունվարի 2021թ.

Ժամը 10<sup>00</sup>

### ՀՀ կրթության տեսչական մարմնի կառավարման խորհրդի (այսուհետ՝ խորհուրդ) նիստին ներկա էին՝

- |             |  |
|-------------|--|
| Վ.Դումանյան | - ՀՀ կրթության, գիտության, մշակույթի և սպորտի նախարար (խորհրդի նախագահ)                          |
| Ա.Ասոյան    | - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավար       |
| Ք.Գրիգորյան | - ՀՀ արդարադատության նախարարի տեղակալ  |
| Ս.Ալոյան    | - «Դասարան» կրթական ծրագրի հիմնադիր նախագահ  |
| Բ.Փափազյան  | - «Թումո» ստեղծարար տեխնոլոգիաների կենտրոնի փոխտնօրեն  |
| Ա.Բախշյան   | - «Հանրային դիվանագիտություն» հասարակական կազմակերպության նախագահի կրթության հարցերով խորհրդական |
| Ա.Գասպարյան | - «Դասավանդի՛ր, Հայաստան» կրթական հիմնադրամի հանրային համագործակցության ղեկավարի պաշտոնակատար    |

### Բացակայում էին՝

- |               |                                   |
|---------------|-----------------------------------|
| Ա.Ավանեսյան   | - ՀՀ էկոնոմիկայի նախարարի տեղակալ |
| Ա.Հայրապետյան | - ՀՀ ֆինանսների նախարարի տեղակալ  |

### Մասնակցում էին՝

- |              |  |
|--------------|--|
| Ալ.Շազաֆյան  | - ՀՀ կրթության տեսչական մարմնի ղեկավար                   |
| Լ.Մաթևոսյան  | - ՀՀ կրթության տեսչական մարմնի որակի ապահովման բաժնի պետ |
| Ա.Գևորգյան   | - խորհրդի քարտուղար                                      |
| Ա.Հայրումյան | - խորհրդի քարտուղարության անդամ                          |

## Հրավիրվածներ՝

- Տ.Հակոբյան - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավարի տեղակալ
- Ա.Ավետիսյան - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի զարգացման ծրագրերի վարչության խորհրդական
- Ա.Հակոբյան - ՀՀ կրթության, գիտության, մշակույթի և սպորտի նախարարի օգնական
- Ռ.Գալստյան - ՀՀ կրթության տեսչական մարմնի ղեկավարի տեղակալ
- Զ.Միքայելյան - ՀՀ կրթության տեսչական մարմնի ռիսկի գնահատման, ստուգումների պլանավորման, վերլուծությունների և գնահատման վարչության պետ

## ՕՐԱԿԱՐԳ

**Հարց 1.** ՀՀ կրթության տեսչական մարմնի 2020 թվականի գործունեության տարեկան հաշվետվություն:

**Հարց 2.** Այլ հարցեր:

Նիստը վարում էր կառավարման խորհրդի նախագահ՝ **Վ.Դումանյանը:**

Նախագահողի առաջարկով խորհուրդը քվեարկությամբ՝ **7 կողմ ձայնով** միաձայն հաստատեց օրակարգը:

**Օրակարգի առաջին հարցով Ալ.Շագաֆյանը** ներկայացրեց ՀՀ կրթության տեսչական մարմնի 2020 թվականի գործունեության տարեկան հաշվետվությունը նշելով, որ ԿՏՄ գործունեության 2020 թվականի ծրագրի նպատակն էր **վերահսկողության արդյունավետության բարձրացման միջոցով նպաստել կրթության տեսչական մարմնի վերահսկողության ոլորտներում առավել որակյալ և արդյունավետ կրթություն ունենալուն՝ ըստ սահմանված ուղղությունների (խնդիրների):**

Առանձնահատուկ նշեց ստուգումների ընթացքում տրված գրավոր աշխատանքների արդյունքը.

«Հայոց լեզու» առարկայի թելադրությանը մասնակցած 1004 սովորողներից «Անբավարար» են գնահատվել 355-ը (35%), «Բավարար»՝ 293-ը (29%), «Լավ»՝ 248-ը (25%), «Գերազանց»՝ 108-ը (11%):

«Մաթեմատիկա» առարկայի գրավոր աշխատանքին մասնակցած 959 սովորողներից «Անբավարար» են գնահատվել 454-ը (47%), «Բավարար»՝ 364-ը (38%), «Լավ»՝ 97-ը (10%), «Գերազանց»՝ 44-ը (5%):

**Ալ. Շագաֆյանը նշեց, որ ԿՏՄ-ն 2021 թվականը սահմանել է որպես անցումային և վերականգնողական գործառույթների տարի:** ԿՏՄ գործունեության 2021 թվականի տարեկան ծրագրի նպատակ է սահմանվել՝ արդյունավետ վերահսկողության միջոցով հանրակրթության և նախնական մասնագիտական (արհեստագործական) և միջին մասնագիտական կրթության ոլորտներում կրթության

կազմակերպման, ինչպես նաև ուսուցման և ուսումնառության վրա 2020 թվականի հասցրած անմիջական (կարճաժամկետ) վնասների վեր հանելը, դրանց հաղթահարման ուղիները նախանշելը:

**Ս.Ալոյանը** հետաքրքրվեց, թե արդյո՞ք նշված 1000 աշակերտները միայն Երևանից էին:

**Ալ.Շազաֆյանը** պատասխանեց, որ աշակերտները ներգրավված են Շիրակի, Արմավիրի մարզերից և Երևանից:

**Ալ.Շազաֆյանը** տեղեկացրեց, որ նախորդ տարի համավարակի պատճառով հնարավոր չի եղել իրականացնել դասալսումների գործընթացը, որը մեկնարկել էր 2020 թվականին «**Դասավանդի՛ր Հայաստան» (Teach for Armenia)** կազմակերպության հետ լրամշակված դասալսման գործիքակազմով, որի արդյունքում 2020 թվականի տարեկան ծրագրով և՛ դասալսումներ պետք է իրականացվեին, և՛ գրավոր աշխատանքներ անցկացվեին:

**Ալ. Շազաֆյանը** տեղեկացրեց նաև, որ ՀՀ-ում սահմանված արտակարգ դրությամբ պայմանավորված՝ 2020 թվականի II և III եռամսյակներում Երևան քաղաքի համայնքային և ոչ պետական, ՀՀ Լոռու մարզի Վանաձորի համայնքային մանկապարտեզներում կորոնավիրուսային հիվանդության (COVID-19) տարածման կանխարգելման նպատակով իրականացվել են **1086** մշտադիտարկումներ:

Ըստ մշտադիտարկումների ընթացքում հայտնաբերված խախտումների արդյունքում կազմված արձանագրությունների, ելնելով անվտանգության կանոնների խախտումները վերացնելու անհրաժեշտությունից՝ ՀՀ պարետին են ներկայացվել ընհանուր թվով 15 մանկապարտեզների գործունեության ժամանակավորապես կասեցումների վերաբերյալ առաջարկություններ: ՀՀ պարետի համապատասխան որոշումներով ժամանակավորապես կասեցվել է 15 մանկապարտեզների գործունեությունը (1-ից 7 օր տևողությամբ):

2020 թվականի III և IV եռամսյակներում ՀՀ առողջապահական և աշխատանքի տեսչական մարմնի Երևան քաղաքի տարածքային կենտրոնի և ԿՏՄ աշխատակիցների կողմից համատեղ 186 և 96 ստուգայցեր են իրականացվել համապատասխանաբար Երևան քաղաքի 147 հանրակրթական և 90 նախադպրոցական ուսումնական հաստատություններում: 5 հաստատություններում արձանագրված խախտումները շտկելու վերաբերյալ տրվել են հանձնարարականներ:

**Վ.Դումանյանը** հետաքրքրվեց, թե արդյո՞ք հակահամաճարակային ստուգայցերը Կրթության տեսչական մարմնի պարտականությունների մեջ չեն մտնում:

**Ալ.Շազաֆյանը** պատասխանեց, որ հակահամաճարակային վերահսկողությունը Առողջապահական և աշխատանքի տեսչական մարմնի լիազորությունն է և Կրթության տեսչական մարմինն այդ աշխատանքներին մասնակցում է փոխօգնության կարգով՝ համապատասխան օրենսդրական հիմքով:

**Ա.Ասոյանը** արձագանքեց, նշելով որ այդ գործընթացը սկսվել է ՀՀ վարչապետի հանձնարարականով, և այդ գործընթացին մասնակցում են բոլոր տեսչական մարմինները, և որի արդյունքում իրականացվել է 81.000 ստուգայց, որից միայն երկուսն են բողոքարկվել:

Արդյունքում 5700 տնտեսավարող սուբյեկտների մոտ հայտնաբերվել են խախտումներ, մնացած դեպքերում խնդիրները տեղում շտկվել են:

**Ա. Շագաֆյանը** շարունակելով խոսքը, նշեց, որ մինչ օրս կատարված 300 ստուգայցերում Կրթության տեսչական մարմինը բացի խնդիրները տեղում շտկելուց, նաև իրականացրել է խորհրդատվական աշխատանքներ: Պատերազմի օրերին կրթության տեսչական մարմինը հյուրընկալել է Արցախի կրթության, գիտության և մշակույթի նախարարին, վերջինիս խնդրանքով պատերազմի օրերին Կրթության տեսչական մարմնի տարածքում Արցախի ԿԳՄ նախարարի տեղակալի համար ապահովել է անհրաժեշտ աշխատանքային պայմաններ:

**Վ. Դումանյանը** առաջարկեց խորհրդի անդամներին ներկայացնել հարցեր և առաջարկություններ:

**Ա. Բախշյանը** հարցրեց թե ինչո՞ւ է տեսչական մարմինը նախընտրել մաթեմատիկան, այլ ոչ թե հայոց լեզուն, քանի որ հայոց լեզվի գիտելիքներն էլ լավ վիճակում չեն:

**Ա. Շագաֆյանը** պատասխանեց, որ պատճառը Կրթության տեսչական մարմնի ռեսուրսների սղությունն է, և ստուգումների արդյունքից ելնելով՝ մաթեմատիկայի վիճակի կրկնակի վատ լինելը:

**Ա. Բախշյանը** ասաց, որ 2020 թվականի հաշվետվությունից հետո, նայելով 2021 թվականի աշխատանքային ծրագիրը չի տեսել գործիք վիճակը շտկելու համար: Ստուգաթերթերում իրականացվող փոփոխությունների արդյունավետությունը ի՞նչ երաշխիք կտա կրթության որակի բարելավման համար:

**Ա. Շագաֆյանը** պատասխանեց, որ կրթական գործընթացի որակի գնահատումը այդ խնդրին ուղղված միջոցառում է: 2021 թվականի ծրագրով նախատեսված է համապատասխան գործիքակազմը լրամշակել՝ ավելացնելով հակահամաճարակային և աղետների ռիսկերին ուսումնական հաստատությունների դիմակայությանը վերաբերող հարցեր:

**Ա. Բախշյանը** հարցրեց, կրթության ոլորտի զարգացման համար ներգրավված այլ կազմակերպություններից ի՞նչպիսի համագործակցություն եք ակնկալում:

**Ա. Շագաֆյանը** նշեց, որ Կրթության տեսչական մարմնի համար շատ կարևոր է թե՛ Գնահատման և թեստավորման կենտրոնի (ԳԹԿ) թե՛ նորաստեղծ Կրթության զարգացման և նորարարությունների ազգային կենտրոնի (ԿԶՆԱԿ) և թե՛ ոլորտում ներգրավված մյուս կառույցների հետ համագործակցությունը, և որպեսզի աշխատանքները ավելի սինխրոնացված լինեն՝ առաջարկեց ԿԳՄՍ նախարարի աջակցությունը՝ համագործակցության հարցում:

**Վ. Դումանյանը** խորհրդի անդամների համաձայնությամբ հանձնարարեց Կրթության տեսչական մարմնին՝ ներկայացնել առաջարկություն՝ մարզպետարանների և դրանց համապատասխան ստորաբաժանումների, ԳԹԿ-ի, ԿԶՆԱԿ-ի և այլ կազմակերպությունների/կառույցների հետ աշխատանքների սինխրոնացման և արդյունավետության բարձրացման վերաբերյալ:

**Ս. Ալոյանը** առաջարկեց բովանդակային ստուգումները սեգմենտավորված իրականացնել՝ հաշվի առնելով տեսչական մարմնի ռեսուրսների սղությունը: Օրինակ՝ ավագ դպրոցում կամ միջնակարգ դպրոցում որպեսզի համապետական պատկեր ստացվի, անհրաժեշտ է համատեղ

10 մարզում անցկացնել ստուգում/թեստավորում, քանի որ 3 մարզի պատկերը ամբողջական չէ: Հաշվի առնելով, որ հնարավորություն կա աշխատանքները համատեղել ԳԹԿ-ի հետ, նպատակահարմար կլինի դիտարկել հնարավորություն՝ տարին 2 անգամ իրականացնելու նմանատիպ ստուգում:

**Ս. Ալոյանը** ներկայացրեց Dasaran կրթական ծրագրի վիճակագրությունը, համաձայն որի այս պահի դրությամբ հանրակրթական համակարգում ներգրավված մանկավարժների 45%-ը 51 տարեկան և բարձր են, երիտասարդների թիվը վերջին 4 տարում 4%-ով նվազել է և այս պահի դրությամբ մինչև 30 տարեկան ուսուցիչները 9% են կազմում: Սա խոսում է այն մասին, որ հանրակրթական համակարգը ծերանում է, երիտասարդները չեն ցանկանում դպրոցում ուսուցիչ աշխատել, և որ այն հետագայում կբերի գլոբալ խնդրի:

**Վ. Դումանյանը** արձագանքեց, նշելով, որ ցավոք խնդիրը առկա է ոչ միայն հանրակրթական համակարգում, այլ նաև բուհերում: Սա խոսում է այն մասին, որ հասարակության մեջ ուսուցչի կարգավիճակը, դպրոցի, բուհերի և կրթության վիճակը այնպիսին չէ, որ շատերը ձգտեն և մրցակցային դաշտ ձևավորվի:

**Ա. Գասպարյանն** առաջարկեց՝ հնարավորության դեպքում իրականացվող տարբեր գործընթացներին ներգրավել նաև Հանրապետական մանկավարժահոգեբանական կենտրոնին:

**Ա. Ասոյանն** առաջարկեց հաշվետվության մեջ ներկայացնել տեղեկություն կորոնավիրուսային հիվանդության (COVID-19) տարածման կանխարգելման հետևանքով հեռավար կրթության անցման հնարավոր ռիսկերի և ազդեցության վերաբերյալ:

Քննարկման արդյունքում հնչեցին նաև առանձին կարծիքներ և մեկնաբանություններ:

Ամփոփելով նիստը, Վ. Դումանյանն առաջարկեց քվեարկել՝ «Կրթության տեսչական մարմնի 2020 թվականի գործունեության հաշվետվության նախագիծին հավանություն տալու հարցը:

**Խորհուրդը՝ 6 կողմ, 1 դեմ ձայների հարաբերակցությամբ հավանություն տվեց հաշվետվության նախագծին:**

**Հաշվետվության նախագծին խորհրդի անդամներից դեմ քվեարկեց ԱՁ Բախշյանը:**

**Խորհուրդը որոշեց՝**

**1" Հավանություն տալ ՀՀ կրթության տեսչական մարմնի 2020 թվականի գործունեության հաշվետվությանը:**

**2. Հանձնարարեց՝**

2"1 Ներկայացնել առաջարկություն՝ մարզպետարանների և դրանց համապատասխան ստորաբաժանումների, ԳԹԿ-ի, ԿԶՆԱԿ-ի և այլ կազմակերպությունների/կառույցների հետ աշխատանքների սինխրոնացման և արդյունավետության բարձրացման վերաբերյալ:

2"2" Հաշվետվության մեջ կորոնավիրուսային հիվանդության (COVID-19) տարածման կանխարգելման հետևանքով հեռավար կրթության անցման հնարավոր ռիսկերի և ազդեցության վերաբերյալ հատվածը առավել մանրամասնել:

**Կառավարման խորհրդի նախագահ՝**

  
Ստորագրություն **Վ. Դումանյան**

**Կառավարման խորհրդի քարտուղար՝**

  
Ստորագրություն **Ա. Գևորգյան**